



26981 ✓
21-05-2024

Ministry of Civil Affairs

Broj: 14-16-3-8-4/24
Sarajevo, 20. 5. 2024. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14 i 59/22), ministrica civilnih poslova Bosne i Hercegovine donosi:

O D L U K U

o izboru najpovoljnijeg ponuđača

I

Najpovoljniji ponuđač u postupku javne nabavke usluga realizacije aktivnosti iz programa rada Eurydice mreže za drugi kvartal 2024. godine-LOT 1 je Udruga trenera CEFE u Bosni i Hercegovini, Banja Luka sa cijenom 14.000,00 KM bez PDV-a, odnosno 16.380,00 KM sa uračunatim PDV-om. Obavještenje je dana 25. 4. 2024. godine objavljeno na Portalu javnih nabavki pod brojem: 121-9-2-5-22-39/24, a postupak je proveden u skladu sa postupkom dodjele ugovora o uslugama iz Aneksa II Zakona o javnim nabavkama.

II

Ova odluka će se dostaviti ponuđačima u roku od 3 (tri) dana, a najkasnije u roku od 7 (sedam) dana od dana donošenja.

III

Ova odluka stupa na snagu danom donošenja.

OBRAZLOŽENJE

Na osnovu provedenog postupka nabavke, Komisija u postupku javne nabavke usluga realizacije aktivnosti iz programa rada Eurydice mreže za drugi kvartal 2024. godine je konstatovala da je rok za dostavu ponuda 15.05.2024. godine do 10.00 sati, te da su do navedenog roka na protokol Ministarstva civilnih poslova Bosne i Hercegovine pristigle 2 ponude za LOT 1 i to ponuđača: Udruga trenera CEFE u Bosni i Hercegovini, Banja Luka i Zimel d.o.o. Široki Brijeg. Neblagovremenih ponuda nije bilo.

Komisija je prema specifikaciji navedenoj u javnom pozivu, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za izbor najpovoljnijeg ponuđača.

Ponuda ponuđača Zimel d.o.o. Široki Brijeg je neprihvatljiva iz razloga što nije dostavio Dokaz o registraciji u odgovarajućim profesionalnim ili drugim registrima i Spisak izvršenih ugovora u posljednje 3 godine uz potvrde o uredno izvršenim ugovorima sa iznosom minimalno 10.000 KM u kojima su predmet nabavke usluge istraživanja, a koji su traženi tačkama 5 a) i c) Javnog poziva za dostavljanje ponuda za nabavku usluga realizacije aktivnosti iz programa rada Eurydice mreže za drugi kvartal 2024. godine. Ponuđač Zimel d.o.o. Široki Brijeg je dostavio Ugovor o poslovanoj saradnji sa Udruženjem građana Institut za društveno-

politička istraživanja (IDPI) Mostar, ali u ponudi ne navodi da nastupa kao grupa ponuđača. Iz navedenih razloga ponuda ponuđača Zimel d.o.o. Široki Brijeg je odbačena.



Ponuđač Udruga trenera CEFE u Bosni i Hercegovini, Banja Luka je kvalifikovan i njegova ponuda je prihvatljiva, dostavljeni su svi traženi dokazi propisani tenderskom dokumentacijom, na propisan način.

Analizom ponuda, primjenom kriterija najniža cijena, Komisija za nabavke je utvrdila sljedeće:

Ponuda ponuđača Udruga trenera CEFE u Bosni i Hercegovini, Banja Luka sa cijenom 14.000,00 KM bez PDV-a, odnosno 16.380,00 KM sa PDV-om je prihvatljiva za LOT 1. Obzirom da ista u ekonomskom i tehničkom smislu u potpunosti zadovoljava zahtjeve ugovornog organa data je preporuka da se donese odluka o izboru najpovoljnijeg ponuđača.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Uredu za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.


Mirza Pankov

J. Kalup

Dostavljeno:

1. Ponuđaču - elektronski
2. Web stranica Ministarstva – na objavu
3. a/a

MINISTRICA

dr. sc. Dubravka Bošnjak

